

Trenamaint cun Eliane Müggler

Club da velo Surses

■ (cp) Dacurt è igl Club da velo Surses gia en trenamaint cun la velocipedista professionala Eliane Müggler. Igl Club da velo Surses s'angascha gio siva da bliers onns per igl sport da velos. Siva da chesta stad porscha igl club er trenamaints per unfants. Igls unfants on seis trenamaints durant la staschung da stad. Tar igls trainings amprenan els ena massa sur digl velo scu er dalla tecnica dad eir cun velo. Actual èn 16 unfants a parteir da set onns anfignen 16 onns activs. Igl sport da velo vign tigl giuvenils adegna pi popular. Vetiers vign a parteir digl onn



Per eir sur en piogn dovrigl saveir tigneir bagn la balantscha.

PDS

passo mintgamai organiso ena cursa digl Bike Cup Ostschweiz a Savognin. Uscheia erigl chegl ena bunga occasiun d'antschever a far trenamaints gio per unfants.

Sonda passada on igls unfants gia la pussebladad da far en trenamaint cun la velocipedista professionala *Eliane Müggler*. Ella è pudia piglier part agl cup mundial tgi è gia li a Lai avant treis emdas tar la categoria U23. Eliane è gio scu pitschna mattatscha adegna neida a Savognin an vacanzas ed è perfign gia la sia amprensa cursa da velo a Savognin. Du-

rant igl curs cugls unfants è ella neida sustigneida digl sies frar giuven *Remo*. Igls unfants on savia far bungs exerchezis per migliurar la tecnica dad eir cun velo e savia profitar digls tips dall'experta.

Igl Club da velo Surses fò anc diversas otras activitads tgi porschan igl plascheir ve digl sport da velos. Mintga stad vign organiso en viadi cugl velo tgi cozza dus anfignen treis deis. Tar la cursa annuala digl Bike Cup Ostschweiz a Savognin è igl club da velo fitg angaschea e porta bliers voluntaris. Novs commembers èn adegna baggnias.